



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 6. Qualiter hæc promissio esse facta uni determinatæ personæ.

[urn:nbn:de:hbz:466:1-73973](#)

*Quæst. 5. An & qualiter promissio con-
stituens sponsalia debeat esse li-
bera.*

Resp. Primo: debere eam esse liberam ea libertate, quæ sufficit ad meritum & demeritum; cùm sit actus humanus, humanam obligationem inducens. Castrop. l. c. n. 4. Quare si furor, iracundia, ebrietas non admittunt plenam libertatem, obligationem quoque sponsaliorum non impediunt. Citat pro hoc Sanch. L. 1. d. 8. n. 5. Vafq. d. 5. c. 1. Côn. d. 21. du. 2. n. 18. concl. 6. Molin. de gust. d. 267. in princ. Gutt. de mat. c. 7. à n. 5. Verum alii ista libertas non sufficit, sed requirunt libertatem, & tantam ex parte intellectus advertentiam & deliberationem, quanta requiritur & suffici ad peccandum mortaliiter, id est, plenam, seu talem, qualem viri prudentes in negotiis magni momenti adhibere solent; & non sufficere talem, qualem adhuc habere solent semi-poti, semi-dormientes, et si non requiratur plena & matura deliberatio, & omnium circumstantiarum consideratio. Siquidem sponsalia obligant sub peccato mortali; jam vero non omnis libertas sufficiens ad demeritum est plena; cùm semiplene adverens ad malitiam, adeoque semiplene liber possit demereri, seu peccare venialiter, et si non mortaliter. Unde jam etiam licet ebrietas, furor, iracundia, tanta non sit, ut tollat plenè seu omnimodam libertatem, seu solum ex parte, adhuc tamen penitus impediunt obligationem sponsalium, sive nullatenus promissio in illa facta constituit vera sponsalia. Advertendum proinde verba illa: adimere plenam libertatem: æquivoca esse; utique enim semiplena libertas adimit plenam libertatem, hoc est, impedit, quod minus libertas sit plena, seu perfecta; non tamen adimit plenè seu omnem libertatem, sed relinquit semiplenam. Unde jam etiam sequitur, quod, si quis ante ebrietatem, vel amentiam habuerit intentionem contrahendi sponsalia, seu promittere alicui matrimonium, illa adhuc non contrahat, dum postmodum in ebrietate semiplena promittit matrimonium feminæ, etiam plenè deliberatè repromittenti; cùm enim obligatio sponsalium ex ipso metu contractu, & non ex voluntate illum celebandi oriatur, necessariò exigit contractum in se liberum, intellige plenè. Cui illationi non obstat primò, quod cum Sacramenta v. g. Confirmationis Baptismi ab adulto suscipienda sufficiat intentio habitualis, seu præhabita non retractata, validè recipiantur in ebrietate etiam perfecta; nam prærerquam quod ad agendum plus requiratur, quam ad recipiendum, de essentia seu forma illorum Sacramentorum non est actus suscipiens illa, quemadmodum essentia contractus sponsalitatis, vel etiam matrimonialis consistit in volitione contrahentium. Neque etiam obstat, quod sponsalia valide contrahi possint sub conditione eveniente prius postmodum in ebrietate vel amentia; nam hac ratione adhuc non contrahuntur in ebrietate, sed extra eam, tametsi perfecta & absoluta eorum obligatio suspendatur usque ad eventum conditionis, qua eveniente sive in ebrietate, somno, amentia, sive extra illam, sive scientibus, sive nescientibus contrahentibus, dicta obligatio evadit absolute absque omni alio actu illorum. Castrop. l. c. n. 5.

2. Resp. Secundo: promissio futuri matrimonii facta ex metu gravi cadente in virum constantem nequit constituer sponsalia valida; nam esto, quod sponsalia inita ex tali metu à jure positivo non irritentur per se & immediatè, ex irritatione tamen matrimonii ob coactionem (quippe ad quod contrahendum nemo cogi potest per talem metum) & ipsa irrita sunt eo ipso; ne, si per hoc modo coacta sponsalia obligaretur quis, jam eo ipso cogi posset tali metu ad contrahendum matrimonium, ita Castrop. l. c. num. 6. remittens ad seipsum. tr. 2. de peccat. d. 1. p. 9. num. 3. Verumtamen eti id admittatur communius, dum ipsem metum incusum in iustè, negant tamen alii, dum metus illi aliunde incutitur, docentque, sponsalia talia non esse eo ipso invalida, sed valere usque ad sententiam Judicis, sententiâ Judicis ob hanc vel similes causas rescindantur; aliamque esse de matrimonio rationem, quod ideo jure sic statuente ipso facto est nullum, dum per talem metum extorquetur; nimur quia semel contractum validè nullo modo dissolvi potest; sponsalia vero, eti validæ, & in specie sponsalia per metum talem contracta, etiam juramento confirmata, facile dissolvi possunt per Judicem. Unde jam etiam non sequitur, quod si quis vi talium sponsalia obligetur ad contrahendum matrimonium, cogi quis possit ad matrimonium validum per metum talem iustè incusum; cùm dicta sponsalia rescindi possint ac deberent. teneret autem sequela, si indissolubiliter pergerent obligare.

*Quæst. 6. Qualiter hæc promissio de-
beat esse facta uni determinatae per-
sonæ.*

Resp. Si quis promittat cum una ex pluribus filiabus Titii contrahere matrimonium, eti harum singulæ ei reprobant, consurgere nequeunt sponsalia; cùm enim matrimonium contrahi nequeat, nisi cum una determinata persona, etiam non potest quis obligari ad illud contrahendum, quoque obligetur ad illud contrahendum cum una determinata persona; quod vi talis promissionis indeterminata non sit; cùm vi illius adhuc maneat liber respectu singularium. Cönicke. l. c. num. 4. Pont. L. 12. c. 5. num. 6. Sanch. L. 1. c. 26. num. 7. Castrop. l. c. num. 7. cum communi.

*Quæst. 7. An & qualiter dicta pro-
missio debeat extrinsecus manife-
stari?*

Resp. Promissio purè interna seu mente retenta constituere nequit sponsalia; cùm enim ea sint contractus promissorius, utrinque onerosus, & humano modo initus, necessè omnino habent duplice volitione utrinque manifestata perfici, ac proinde constitui in tali promissione, vi cuius pars altera possit & debeat repromittere, quod impossibile est fieri per promissionem alteri nullatenus manifestatam, & omnino incognitam. Unde etiam in vi sponsaliorum obligari adhuc nequit Titius promittens DEO se ducturum Cajam in uxorem, etiam DE US dictam promissionem acceptet; cùm